

Bil. S 43

PERLEMBAGAAN NEGARA BRUNEI DARUSSALAM
(Perintah di bawah bab 83(3) dan (5))

PERINTAH PERBEKALAN TAMBAHAN (2000) (BIL. 5), 2001

BAHAWASANYA Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dengan satu Pemasyhuran Darurat bertarikh 20 haribulan Mei, 2000 telah mengisytiharkan satu keadaan darurat dalam seluruh Negara;

DAN BAHAWASANYA adalah dipersyaratkan oleh ceraian (3) dari bab 83 dari Perlembagaan Negara Brunei Darussalam, bahawa apabila satu Pemasyhuran telah dibuat dan selagi Pemasyhuran itu berjalan kuatkuasanya, Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam bolehlah membuat sebarang Perintah yang Baginda fikirkan perlu bagi kepentingan awam;

DAN BAHAWASANYA adalah dipersyaratkan oleh ceraian (5) dari bab 83 dari Perlembagaan Negara Brunei Darussalam bahawa kuasa-kuasa tersebut akan termasuk kuasa membuat peruntukan kewangan yang boleh jadi diperlukan di sepanjang tempoh darurat termasuk peruntukan bagi perkhidmatan awam;

DAN BAHAWASANYA satu jumlah wang tiga ribu, dua ratus lapan puluh satu juta, lapan ratus tujuh puluh ribu, empat ratus tujuh puluh empat ringgit (\$3,281,870,474.00) telah diperuntukkan oleh Perintah Darurat (Perbekalan) (2000), 1999;

DAN BAHAWASANYA satu jumlah wang sembilan puluh sembilan juta, enam ratus empat puluh tujuh ribu, lima ratus dua puluh tiga ringgit dan empat puluh satu sen (\$99,647,523.41) telah diperuntukkan oleh Perintah Darurat (Perbekalan Tambahan) (2000) (Bil. 1), 2000;

DAN BAHAWASANYA satu jumlah wang tujuh juta, sembilan ratus tiga puluh sembilan ribu, lima ratus lapan puluh ringgit dan tiga puluh dua sen (\$7,939,580.32) telah diperuntukkan oleh Perintah Perbekalan Tambahan (2000) (Bil. 2), 2000;

DAN BAHAWASANYA satu jumlah wang enam ratus tiga puluh lima juta, dua ratus lapan puluh satu ribu ringgit (\$635,281,000.00) telah diperuntukkan oleh Perintah Perbekalan Tambahan (2000) (Bil. 3), 2000;

DAN BAHAWASANYA satu jumlah wang sebelas juta, tujuh ratus enam puluh dua ribu, tiga ratus dua puluh lima ringgit dan enam puluh sembilan sen (\$11,762,325.69) telah diperuntukkan oleh Perintah Perbekalan Tambahan (2000) (Bil. 4), 2000;

DAN BAHAWASANYA adalah sekarang perlu untuk mengadakan satu peruntukan tambahan sebanyak tiga puluh satu juta, enam ratus tiga puluh satu ribu, tujuh ratus sembilan puluh empat ringgit dan dua puluh sen (\$31,631,794.20);

SEKARANG, DARI ITU, dalam menjalankan kuasa-kuasa yang diberikan kepada Baginda oleh cerai-ceraian (3) dan (5) dari bab 83 dari Perlembagaan Negara Brunei Darussalam, Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah membuat Perintah seperti berikut —

Gelaran.

1. Perintah ini bolehlah digelar sebagai Perintah Perbekalan Tambahan (2000) (Bil. 5), 2001.

Perbelanjaan tambahan bagi tahun 2000, memperuntukkan dan penggantian jumlah wang yang didahulukan dari Kumpulanwang Gagasan.

2. (1) Pengeluaran sejumlah wang yang tidak melebihi dari tiga puluh satu juta, enam ratus tiga puluh satu ribu, tujuh ratus sembilan puluh empat ringgit dan dua puluh sen (\$31,631,794.20) dari Kumpulanwang Yang Disatukan bagi perbelanjaan pelbagai perkhidmatan yang ditentukan dalam Jadual untuk tahun 2000 yang tidak diperuntukkan atau tidak sepenuhnya diperuntukkan oleh Perintah Darurat (Perbekalan) (2000), 1999, Perintah Darurat (Perbekalan Tambahan) (2000) (Bil. 1), 2000, Perintah Perbekalan Tambahan (2000) (Bil. 2), 2000, Perintah Perbekalan Tambahan (2000) (Bil. 3), 2000 dan Perintah Perbekalan Tambahan (2000) (Bil. 4), 2000 adalah dengan ini dibenarkan.

(2) Wang tersebut adalah diperuntukkan bagi tujuan-tujuan seperti yang dinyatakan dalam Jadual.

(3) Penggantian jumlah wang yang ditunjukkan dalam ruang ketiga bagi jumlah wang yang ditunjukkan dalam ruang keempat dari Jadual ialah jumlah-jumlah wang didahulukan dari Kumpulanwang Gagasan yang diadakan di bawah cerai (1) bab 10 dari Perintah Perlembagaan (Peraturan Kewangan), 1959 adalah dengan ini dibenarkan.

JADUAL

[1]	[2]	[3]	[4]
Tajuk	Gelaran	Jumlah Yang Diperuntukkan Kepada Tajuk \$	Penggantian Pendahuluan Dari Kumpulanwang Gagasan \$
	KEMENTERIAN KEWANGAN		
S.D52	Perkhidmatan Rampaian	107,342.20	107,342.20
S.D53	Perkhidmatan Rampaian HMSF	24,806,370.00	24,806,370.00
	KEMENTERIAN HAL EHWAL DALAM NEGERI		
S.E11	Penjara	360,966.00	360,966.00
	KEMENTERIAN KESIHATAN		
S.M2	Perubatan dan Kesihatan	6,357,116.00	6,357,116.00
		<u>\$31,631,794.20</u>	<u>\$31,631,794.20</u>

Diperbuat pada hari ini 28 haribulan Safar, 1422 Hijrah bersamaan dengan 22 haribulan Mei, 2001 Masihi, di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM